

---

 SECTIO NONA.

*Medicamenta ex mixtis tantum Simplicibus  
conflata.*

SPECIES, PULVERES COMPOSITI, MASSE MOLLIORES, CONSERVÆ,  
TABELLÆ, ELECTUARIA ET OPIATÆ, PILULÆ ET BOLI.

QUANTUMVIS medicamenta, in hac Codicis sectione proposita, veluti mixta tantum considerari soleant, non omnia tamen suam ex solâ variorum cumulatione virtutem ita mutuari intelliguntur, ut nullis chymicarum affinitatum credantur subiacere legibus. Neque certè dubitandum est quin, verbi gratiâ, in Electuariis, faventibus Melle, Saccharo, Syrupis, Aquâ aut Vino, quædam elementorum consociatio et commutatio intercedat, undè totum medicamentum, à simplici singulorum, quibus conflatur, additione magno- perè differat. Cujus rei exemplum, ut infra videbitur, conati sumus proferre in ipsâ Theriacâ. Verumtamen in miscendis multis Pharmacopœæ Galenicæ compositis, non alia sæpè cura magis invaluit, quàm cumularum vir- tutum cæca satis sollicitudo. Quorum medicaminum utilitas et vis, duce potius experientiâ quàm ratione innotuit, ita

tamen ut iis jam nunc Ars ipsa carere nequeat. Ex iis igitur, quæ usitata sunt, neque spernenda, neque negligenda arbitrati, hic loci collegimus.

I. SPECIES.

Specierum nomine apud Pharmacopœos designantur commixtæ aut Herbæ aut partes Herbarum plures, siccæ, minutim concisæ, ex quibus parabilia fiunt, aut infusa, aut decocta, aut alia ejusdem generis.

Si quas Medicus præceperit Species, in medicamentorum *Magistralium* compositione admittendas, semper determinatâ dosi eas ipsum præscribere convenit.

1. SPECIES DICTÆ *EMOLLIENTES*.

**R̄.** Foliorum siccatorum

- Malvæ rotundifoliæ,
- Althææ officinalis,
- Verbasci Thapsi,
- Senecionis vulgaris,
- Parietariæ vulgaris... & a partes pondere  
æquales.

Misce et serva ad usum.

2. SPECIES EX FLORIBUS, *BECHICÆ* DICTÆ, SIVE AD  
*TUSSIM*.

**R̄.** Florum siccatorum

- Malvæ rotundifoliæ, vel Althææ officinalis,



Florum Gnaphalii Dioici (*Pes Cati*),  
 Tussilaginis Farfaræ,  
 Petalorum Papaveris Rhæados..... *ââ partes pondere  
 æquales.*

Misce et serva ad usum.

5. SPECIES EX FRUCTIBUS, DICTÆ *BECHICÆ*.

**R̄.** Dactylorum (*Phoenix Dactylifera*), nucleis exclusis,  
 Zizyphorum (*Zizyphus sativa*),  
 Ficum Caricarum,  
 Passularum (*Vitis vinifera* aut *Apyrena*)... *ââ par-  
 tes pondere æquales.*

Misce et serva in usum.

4. SPECIES AMARÆ.

**R̄.** Foliorum siccatorum  
 Teucii Chamædryos,  
 Summitatum Erythrææ Centaurii,  
 Artemisiæ Absinthii. *ââ partes pondere  
 æquales.*

Misce et serva in usum.

5. SPECIES AROMATICÆ, DICTÆ *VULNERARIÆ* (1).

**R̄.** Foliorum Siccatorum  
 Saliæ officinalis,

(1) Hoc sub nomine enumerantur vulgò herbæ, quarum natura insignitur ali-  
 quâ in quibusdam amaritie, cui semper junctum est nonnihil quod astringere  
 percipitur. His plus minusve adjungitur aroma, in quibusdam debile admodum,  
 in aliis sat potens, sed quod organa tantum suscitare, caput autem nullatenus

Foliorum Thymi vulgaris,  
 Thymi Serpylli,  
 Hyssopi officinalis,  
 Menthæ aquaticæ,  
 Artemisiæ Absinthii,  
 Origani vulgaris. . . *aa partes pondere æquales.*  
 Misce et serya in usum.

## 6. SPECIES AROMATICÆ, PECTORALES DICTÆ.

**Rj.** Foliorum siccatorum  
 Adianti pedati,  
 Veronicæ officinalis,  
 Hyssopi officinalis,  
 Glecomæ hederacæ. *aa partes pondere æquales.*  
 Misce et serya in usum.

7. SEMINA EX OMBELLIFERIS, VULGÒ DICTA *CARMINATIVA*, SEU *FLATIBUS DISCUTIENDIS APTA*.

**Rj.** Seminum Pimpinellæ Anisi,  
 Anethi Feniculi,

---

tentare valet. Pleræque desumuntur inter Rosaceas, Labiatas, et Compositas, has verò præcipuè flosculosas, herbas. *Vulnerariarum* autem idèò ipsis additum nomen videtur fuisse, quòd non inutiliter, sive infusæ, sive decoctæ, extùs intùsve adhiberentur in vulneribus ægrè coalescentibus, ob inertiam mollietiemque solidorum, superfluam quâ turgent seri colluviem, adèòque difficilem in iis puris legitimi generationem. Hic autem herbas tantùm inscripsimus quæ non debili pollent aromate,



Coriandri sativi,  
Cari Carvi... *ãã partes pondere æquales.*

Misce et serva in usum.

8. SPECIES ANTHELMINTHICÆ.

**R̄.** Foliorum et florum siccatorum  
Tanaceti vulgaris,  
Artemisiæ Absinthii,  
Anthemidis nobilis... *ãã partes  
pondere æquales.*

Misce et serva in usum.

9. SPECIES DIURETICÆ.

**R̄.** Radicum siccatarum et minutum consisarum  
Anethi Feniculi,  
Rusci aculeati,  
Ononidis spinosæ,  
Asparagi sativi,  
Apii Petroselini *ãã partes pondere æquales.*

Misce et serva in usum.

10. SPECIES SUDORIFICÆ, AD PARANDA INFUSA.

**R̄.** Ligni Sassafras scobe abradi (*Laurus Sassafras*),  
Florum Sambuci (*Sambucus nigra*),  
Foliorum Borriginis (*Borrago officinalis*),  
Petalorum Papaveris Rhæados *ãã partes pondere æquales.*  
Miscet et serva in usum.

11. SPECIES SUDORIFICÆ, AD DECOCTA PARANDA.

**R̄.** Ligni Guaiaici officinalis, scobe abrasi,  
 Radicum Smilacis Salsaparillæ consisarum,  
 Radicum Smilacis Chinæ in taleolas dissectarum.....  
 ..... ãã partes pondere æquales.  
 Misce et serva in usum.

12. SPECIES ASTRINGENTES.

**R̄.** Radicum siccatarum et minutim concisarum  
 Polygoni Bistortæ,  
 Tormentillæ erectæ,  
 Corticis Punicæ granati, seu *Malicorii* minutim con-  
 cisi..... ãã partes pondere æquales.  
 Misce et serva in usum.

13. SEMINA, DICTA VULGÒ *FRIGIDA*.

**R̄.** Seminum  
 Cucurbitæ Lagenariæ,  
 Cucurbitæ Citrulli,  
 Cucumeris Melonis,  
 Cucumeris Sativi..... ãã partes pondere  
 æquales.  
 Misce et serva in usum.

14. FARINÆ EMOLLIENTES DICTÆ.

**R̄.** Farinarum Lini usitatissimi,  
 Secalis Cerealis,  
 Hordei distichi ãã partes pondere æqual.  
 Misce et serva in usum.



## 15. FARINÆ RESOLVENTES (1) DICTÆ.

℞. Farinarum

Trigonellæ Feni-græci,

Fabæ majoris,

Orobi sylvatici,

Lupini albi, . . . *aa partes pondere æquales.*

Misce et serva in usum.

## II. PULVERES COMPOSITI.

Parvâ quantitate semper parandi sunt compositi Pulveres, sæpiùsque renovandi. Nonnullos etiã præstat commisceri ubi præscribuntur, eos præcipuè quos aëris contactus, aut loci tepor humorisve facilis allapsus immutare valent: numeros igitur hic tantùm formulis generales apposuimus, et mutuam miscendarum rationem summasque omnium subscripsimus. Numeros enim in drachmas vertere aut grammata, pro lubitu, servatâ omnium ratione, cuique licebit.

Inter Pulveres, quidam hic quoque (ut Pulvis *James*, et Pulvis *Dover*) numerantur, qui consociatis ignis vi partibus valent, adeòque inter chymica præparata meliùs forsã conscriberentur; sed cùm incertâ satis chymicarum operationum lege sint conflati, demùmque commixtis, quan-

(1) Inter medicamenta externa, resolventium nomine vulgò insigniuntur ea, in quibus emolliendi facultas tonicæ cuidam et astringenti consociatur, et discutientia rectiùs forsã vocarentur.

tumvis immutatis, sed non unitis partibus constant, in aliis Sectionibus locum nullibi proprium nancisci potuerunt.

1. PULVIS DE SULFATE POTASSÆ COMPOSITUS, DICTUS  
VULGÒ *TEMPERANS STAHLII.*

<b>R̄.</b> Sulfatis Potassæ.....	9
Nitratis Potassæ purissimi.....	9
Sulfureti Hydrargyri rubri præparati.....	2
Summa omnium.....	20

Misceantur et suprâ porphyriten levigentur, donec habeatur Pulvis tenuissimus.

2. PULVIS DE MAGNESIA COMPOSITUS, DICTUS *ANTI-ACIDUS*, VEL *ABSORBENS.*

**R̄.** Magnesiæ puræ, seu igne exustæ,  
Sacchari albi..... *aa partes pondere æquales.*  
Misce diù in mortario vitreo, et fiat Pulvis.  
Servetur in vase accuratè clauso.

*N. B.* Parcâ tantum quantitate parandus et asservandus est iste Pulvis; imò præstat componi, ubi præscriptus requiritur.

3. PULVIS DE ARO COMPOSITUS.

<b>R̄.</b> Radicum Ari.....	48
Acori Veri.....	48
Pimpinellæ Saxifragæ.....	48
Concrementorum de Cancris præparatorum.....	12
Cinnamomi.....	9



Sulfatis Potassæ.....	6
Muriatis Ammoniacæ.....	2
Summa omnium.....	175

Misce accuratè et fiat secundum artem Pulvis tenuissimus,  
in vase vitreo probè obturato servandus.

4. PULVIS DE SULFURE ET SCILLA, VULGÒ DICTUS *ANTI-ASTHMATICUS*, VEL *INCISIVUS*, SEU *AD MUCUM PULMONALEM LIBERIUS CIENDUM*.

<b>R̄.</b> Sacchari albi.....	3
Sulfuris sublimati loti.....	2
Scillæ ( <i>Scilla maritima</i> ) exsiccatæ et in pulverem tritæ.....	1

Summa omnium..... 6

Misce diù et fiat Pulvis.

5. PULVIS DE AMARIS COMPOSITUS, VULGÒ DICTUS *ANTI-ARTHRITICUS AMARUS*.

<b>R̄.</b> Radicum Gentianæ ( <i>Gentiana Lutea</i> ).....	2
Aristolochiæ rotundæ.....	2
Florum Erythrææ Centaurii.....	4
Foliorum Chamædryos ( <i>Teucrium Chamædryos</i> )..	2
Chamæpithyos ( <i>Teucrium Chamæpithyos</i> )	2

Summa omnium..... 12

Misce et fiat Pulvis.

6. PULVIS DE SENNA, SCAMMONIO ET LIGNIS COMPOSITUS, DICTUS *ANTI-ARTHRITICUS PURGANS*.

<b>R̄.</b> Gummi Arabici.....	4
Tartratis aciduli Potassæ.....	4

Foliorum Sennæ mundatorum ( <i>Cassia Senna</i> )...	4
Corticis Cinnamomi ( <i>Laurus Cinnamomum</i> )....	4
Scammonii ( <i>Convolvulus Scammonium</i> ).....	2
Radicum Salsaparillæ ( <i>Smilax Salsaparilla</i> )....	2
Chinæ ( <i>Smilax China</i> ).....	2
Ligni Guaiaci ( <i>Guaiacum officinale</i> ).....	2
Summa omnium.....	24

Fiat ex omnibus Pulvis tenuissimus.

Sennæ et Scammonii ratio ad Summam erit ut 1 ad 4.

7. PULVIS DE JALAPA ET SCAMMONIO COMPOSITUS,  
DICTUS *CATHARTICUS*.

<b>Rj.</b> Pulverum Jalapæ ( <i>Convolvulus Jalapa</i> )....	1
Tartritis aciduli Potassæ.....	2
Scammonii Alepensis.....	1
Summa omnium.....	4

Misce diu in mortario vitreo, et erit Pulvis in vase clauso servandus.

8. PULVIS DICTUS *CORNACHINI*, SIVE *DE TRIBUS*.

<b>Rj.</b> Scammonii Alepensis,	
Tartratis Aciduli Potassæ,	
Oxidi Stibii albi (vulgò <i>Antimonium diaphoreticum</i> )	
loti.....	aa partes pondere æquales.

*N. B.* Parva tantum hujus Pulveris copia singulâ vice præparari debet; ne vis ipsius purgans temporis lapsu immutetur, et vertatur in emeticam. Melius etiâ parabitur ex tempore, et ubi præscribitur.



9. PULVIS E GUMMI GUTTA SEU CAMBOGIA COMPOSITUS,  
DICTUS *HYDRAGOGUS*.

<b>Rj.</b> Radicum Jalapæ ( <i>Convolvulus Jalapa</i> ).....	24
Mechoacannæ ( <i>Convolvulus Mechoa-</i> <i>canna</i> ).....	12
Cinnamomi ( <i>Laurus Cinnamomum</i> ).....	8
Rhei electi ( <i>Rheum Palmatum</i> ).....	8
Gummi Gutte.....	3
Foliorum Convolvuli Soldanellæ siccatorum ....	6
Seminum Anisi.....	12
Summa omnium.....	<hr/> 75

Teratur seorsim, summâ cum curâ, Gummi gutta in pul-  
verem tenuissimum; deindè cum cæteris pulveribus accu-  
ratè misceatur; et fiat ex omnibus Pulvis. In quo aromati-  
corum ad purgantia ratio erit 1 ad 2,65.

10. PULVIS E SULFURETO HYDRARGYRI NIGRO ET  
SCAMMONIO DICTUS *VERMIFUGUS MERCURIALIS*.

**Rj.** Pulveris è Scammonio compositi dicti de tribus (*vide*  
*nº 8*),

Sulfureti Hydrargyri nigri recentè terendo preparati.  
*ââ partes pondere æquales.*

Mixta conterantur in mortario vitreo et fiat Pulvis.

11. PULVIS EX HELMINTHOCHORTO COMPOSITUS, DICTUS  
*VERMIFUGUS ABSQUE MERCURIO*.

**Rj.** Fuci Helminthochorti,  
Seminis-contræ (*Artemisia contrâ*, vel *Artemisia Judaïca*),

Summitatum Absinthii (*Artemisia Absinthium*),  
 Tanaceti (*Tanacetum vulgare*),  
 Foliorum Scordii (*Teucrium Scordium*),  
 Sennæ (*Cassia Senna*),  
 Rhei electi (*Rheum Palmatum*)... *ãã partes pondere  
 æquales.*

Misce et fiat Pulvis secundum artem.

12. PULVIS GUMMOSUS ALKALINUS, VULGÒ DICTUS SAPO  
 VEGETABILIS.

**R.** Gummi Arabici in pulverem redacti tenuissi-  
 mum. .... 32  
 Carbonatis Potassæ crystallorum. .... 4  
 Tere simul diùque, ut intimè misceantur, et fiat pulvis  
 extempore et ubi præscribitur parandus.

13. PULVIS DE PHOSPHATE CALCIS ET STIBIO COMPO-  
 SITUS, DICTUS *ANTIMONIALIS DOCTORIS JAMES.*

(JAMES'S POWDER.)

**R.** Sulfureti Antimonii crassiusculè triti,  
 Cornu Cervini scobinà abrasi. *ãã partes pondere æquales.*  
 Mixta conjiciantur in sartagine ferream, igne sic arden-  
 tem ut rubeat, et continuò agitentur, donec colorem cine-  
 reum induerint. Massam refrigeratam et in pulverem tritam  
 indito in crucibulum loricatum, tectum alio crucibulo in-  
 verso, ex quo parvum pateat foramen. Aduratur materies  
 in hoc apparatu per duas horas, ignem sensim augendo,  
 donec candescat; deindè refrigerata teratur in Pulverem  
 tenuissimum.



14. PULVIS EX IPECACUANHA ET OPIO COMPOSITUS,  
DICTUS *DOVERI*.

(*DOVER'S POWDER.*)

<b>R̄.</b> Sulfatis Potassæ.....	4
Nitratis Potassæ.....	4
Simul trita conjiciantur in crucibulum ut igne li- quentur. Massæ dein in mortarium ferreum effusæ et penè refrigeratæ adjice	
Extracti Opii siccissimi in Pulverem redacti.....	1
Hisque simul tritis adde demùm	
Radici Ipecacuanhæ ( <i>Cephalis emetica</i> ).....	1
Glycyrrhizæ ( <i>Glycyrrhiza glabra</i> ).....	1
Terantur omnia in Pulverem tenuissimum.	

(*Svediaur Pharmacopœa.*)

15. PULVIS DE ASARO COMPOSITUS DICTUS *STERNU-  
TATORIUS*.

<b>R̄.</b> Foliorum siccatorum	
Majoranæ ( <i>Origanum Majorana</i> )..	2
Betonicæ ( <i>Betonica officinalis</i> )...	2
Asari ( <i>Asarum Europæum</i> ).....	2
Florum siccatorum	
Lilii convallium ( <i>Convallaria Majalis</i> )..	2
Summa omnium.....	8
Misce et fiat Pulvis secundùm artem.	

16. PULVIS DENTIFRICIUM.

<b>R̄.</b> Boli Armenii præparati.....	24
Coralli rubri præparati.....	24
Ossis Sepiæ supra Porphyritem levigati.....	24

Resinæ Sanguis-Draconis dictæ.....	12
Coccinellæ ( <i>Coccus Cacti</i> ) in Pulverem redactæ.....	5
Tartratis aciduli Potassæ.....	56
Cinnamomi ( <i>Laurus Cinnamomum</i> ).....	6
Caryophyllorum ( <i>Caryophyllus aromaticus</i> )....	1
Summa omnium.....	150

Misce accuratè et fiat Pulvis subtilissimus, in quo Tartratis aciduli ad summam ratio erit circiter 1 ad 5,6

III. MASSÆ MOLLIORES, DICTÆ VULGO  
*PASTÆ.*

Massæ, ex medicaminibus unâ subactis constantes, molliæ pistoriâ, plasticæ, partibus itâ inter se cohærentibus, ut digitis pressæ non adhærescant, dicuntur à recentioribus *Pastæ* (Græcæ vox originis, quasi farinæ, quæ mollescit aquâ conspersa, πασῆ). Gummi Saccharumque, aquâ aut infuso quolibet decoctive soluta, vaporando sensim addensata, in *Pastis* omnibus vinculum fiunt subactarum partium, molliemque ipsis propriam conciliant.

1. MASSA DE GUMMI ARABICO, VULGÒ *PASTA DE ALTHÆA.*

**Rj.** Radicis Althææ recentis et mundatæ uncias quatuor, vel..... 125

Infunde per duodecim horas in Aquæ communis libris quinque, vel..... 2,500



Cola; hoc deindè infuso, moderato calore et identidem agitando, solvantur

Gummi Arabici albissimi electi et contusi libræ duæ, vel..... 1,000

Sacchari albissimi libræ duæ, vel..... 1,000

Colentur per linteum densum, exprimantur, et superfluous humor exhalet, igne aperto, ad spissitudinem extracti mollis, continuò movendo spatulâ lignea. Tum fortiter et assidue conteratur et subigatur Massa, identidem aspergendo,

Pro Massæ libris quinque,

Spumam albuminis ovorum recentium duodecim, Subactam in

Aquæ de floribus Aurantiorum stillatiæ unciis quatuor, vel..... 128

donec albescat. Ea tunc Massa, nivei coloris, indolenter agitata, inspissetur calore leni, usque dum spatulæ imposita et manui admota ipsis non adhareat. Tunc extendatur supra tabulam marmoream pulvere amylaceo conspersam.

*Nota.* Sæpius Aqua communis in locum infusi radicis Althææ sufficitur.

Eodem modo parari potest Massa Liquiritiæ, radicem Glycyrrhiæ sufficiens in locum radicis Althææ.

## 2. MASSA SEU PASTA DE DACTYLIS.

(*Phœnix Dactylifera.*)

**R̄.** Dactylorum electorum et nucleis mundatorum libram unam et semis, vel..... 750

Sacchari purissimi libras quinque, vel..... 2,500

Gummi Senegalensis seu Arabici electi et albissimi libras sex, vel..... 3,000

Aquæ purissimæ libras triginta , vel.....	15,000
Aquæ Naphe uncias novem , vel.....	288
Ex quibus ritè , ut mox dicendum est , præparatis , habebitur Massa , pondo circiter libras novem , vel.....	4,500

*Præparandi modus.*

Dactyli in minutissima frustula concisi in Aquæ libris decem , vel..... 5,000

Bulliant per horam circiter; scilicet, donec molliores facti, facilè inter digitos elidantur; decoctum deindè percoletur.

Seorsim contundatur Gummi et solvatur in Aquæ libris viginti , vel..... 10,000

Solutum deindè per linteum densius trajiciatur. Liquores commixti in caldario igni imponantur, addito saccharo; quo soluto, albumina ovorum recentium quinque, cum aquæ pauxillo agitando subacta, adjiciantur, bulliantque; subindè ut supernatabit, eximatur spuma, bullientique undatim liquori tenuis identidem frigidæ vena affundatur.

Liquor ubi pellucidissimus evaserit, quod fiet tunc demùm cum ad tertias vaporaverit, per pannum trajiciatur, atque iterùm vaporet, nudo igne, donec in syrupi densioris lentorem inspissatus fuerit.

Admixtà tunc Aquâ Naphe, balneo maris vaporare pergat, nec ampliùs agitetur liquor, eâ tantùm adhibitâ curâ, ut quæ, cuticulæ in modum, ad superficiem concreverit materies, ad latera vasis detrahatur.

Ubi liquor in densitatem extracti mollioris et lentè fluentis, quale Juniperinum esse solet, devenerit, in formas laminis ferreis stanno obductis confectas (*moules de fer-blanc*), oleo primùm pleniùs obductas, dein leviter detersas dividatur, atque ità vaporario demùm committatur, ut calore



moderato (50°) et, quantum fieri potest, constanti perficiatur Massæ exsiccatio, cujus quadrulæ non antè inverti debent, quàm Massa in soliditatem sufficientem constiterit.

Id autem sedulo observandum est ut vaporarium nec abruptè, nec nimium incalescat; ne Massa, ignis vi violentiori quasi correpta, nimium contrahatur, et amissâ pelluciditate, rigida, tenaxque in corneam soliditatem indurescat.

5. MASSA DE ZIZYPHORUM FRUCTU, vulgò *PASTA DE JUJUBIS.*

**R̄.** Jujubarum (*Zizyphus Sativa*) lectissimarum et mundatarum libram unam, vel..... 500

Gummi Senegalensis electi et albissimi libras sex, vel..... 5,000

Sacchari purissimi libras quinque, vel..... 2,500

Aquæ percolatæ libras triginta, vel..... 15,000

Tincturæ Alcoolicæ de cortice Citrei, Aquâ stillatâ dilutæ, unciam unam, vel..... 52

His omnibus comparatis, non aliâ methodo

Massa conficiatur ac de Dactylis præscriptum est.

Indè habebuntur Massæ præparate seu *Pastæ* circiter libræ novem, vel..... 4,500

4. MASSA DE EXTRACTO GLYCYRRHIZÆ, SEU *PASTA GLYCYRRHIZÆ GUMMATA ET ANISATA.*

**R̄.** Extracti Glycyrrhizæ purissimi libram unam, vel..... 500

Gummi Senegalensis libras duas, vel..... 1,000

Sacchari albi libram unam, vel..... 500

Radiciis Iridis Florentinæ in pulverem redactæ drachmiam unam, vel..... 4

Olei volatilis seminum Anisi grana circiter viginti quatuor, vel..... 1, 2

Diluat<sup>r</sup> Gummi Aquæ sufficienti quantitate.

Dilutum cola; sinito residere, elutriato liquori adde extractum Glycyrrhizæ, vaporet leni igne, donec in mellis densitatem lentescat; tunc adde pulverem Iridis; et, cum, protactâ, vaporatione, in extracti spissitudinem constiterit, adde demum oleum Anisi Saccharo commixtum.

Cæterum eodem hæc exsiccanda est modo quo Massa seu Pasta de Jujubis.

IV. CONSERVÆ.

Conservarum nomine designantur Pulpæ omnes sive ex fructibus, sive ex recentibus herbis floribusve, sive ex herbarum pulveribus aquâ sufficienti subactis paratæ, quibus, condiendi gratiâ, aliqua sacchari quantitas admiscetur. Vulgò Conservæ habentur molles et densitate Mellis similes, quædam verò ita siccæ, ut Sacchari instar frangi possint. Facile ut plurimum vitiantur, atque adeo non nisi mediocri copiâ singulis vicibus erunt parandæ.

1. CONSERVA ROSARUM RUBRARUM RECENTIUM.

**Rj.** Rosæ rubræ petalorum recentium, ungue abscisso mundatorum..... 150

Sacchari albi in pulverem redacti..... 500

Contunde simul in mortario marmoreo, pistillo ligneo, ut fiat pulpa tenuissimarum partium, quàm trajice, mediante spatulâ pulmentariâ, per incerniculum setaceum densioris textûs.



Pulpæ hoc modo elicite adde  
 Sacchari albi ita decocti, ut in electuarii densi-  
 tatem consistat, postquam paululum refrigerit. . . 1,200  
 Misce accuratè, et erit Conserva,  
 Petalorum Rosæ ratio ad Massam erit 1 ad 11.

*Simili modo conficiuntur*

Conservæ Herbarum et Florum recentium.

2. CONSERVA ROSARUM OMNI TEMPORE PARANDA.

**R̄.** Petalorum Rosæ rubræ, ungue abscisso, siccatorum  
 et in pulverem redactorum. . . . . 90

Admisceatur Aquæ Rosarum fragrantis quan-  
 tum sufficit, ut coeant in pulpam : macerentur in  
 vase faventino per sex horas, sæpius agitando spa-  
 tulâ eburneâ : dein adde sacchari aquâ Rosarum  
 soluti et ita cocti ut cogi possit in tabellas. . . . . 1,000  
 Misce accuratè in mortario marmoreo, pistillo ligneo,  
 et erit Conserva.

Petalorum autem ratio ad Massam erit. . . . . 1 ad 12

5. CONSERVA CYNORRHODI.

**R̄.** Pulpæ fructuum Rosæ caninæ seu Cynorrhodi, et  
 supra dictum est paratæ. . . . . 500

Sacchari albi ad electuarii densitatem usque  
 cocti. . . . . 750

Misce accuratè ; fiat Conserva secundum artem.

Ratio Pulpæ ad Massam erit. . . . . 2 ad 5

4. CONSERVA CASSIÆ, SEU CASSIA COCTA.

**R̄.** Extracti Cassiæ. . . . . 160

Syrupi Violarum 120  
 Sacchari in pulverem redacti 50  
 Vaporent balneo maris, identidem agitando, ad  
 extracti mollis densitatem, cui refrigerato  
 Adde Olei volatilii florum Aurantiorum 0,1  
 Serva ad usum.

5. CONSERVA DE RADICE HELENII.

(*Inula Helenium*.)

**R.** Pulpæ radicis Helenii coquendo paratæ, ut præscriptum est ad conficiendam Pulpam ex herbis emollientibus, et per setaceum incerniculum trajectæ. . . . . 250

Sacchari albi in decocto radicis Helenii ad electuarii solidi densitatem cocti. . . . . 1,000

Misce: fiat Conserva secundum artem.

Ratio Pulpæ radicis ad Massam erit 1 ad 5.

*Simili modo parantur Conservæ*

de Angelicâ (*Angelica Archangelica*);

Apio (*Apium graveolens*).

6. CAULES ANGELICÆ SACCHARO CONDITI.

Cum sæpius, condiendi causâ, Angelicæ et Apii Caules, Citreorum aut Aurantiorum cortices Saccharo conditi, medicamentis aut admisceantur, aut infundantur, etiamsi inter Bellaria frequentius ista recenseantur, utile credidimus ea in Pharmacopœorum officinis ad usum medicum apparari.

Elige caules Angelicæ tenerrimos; detractâ cuticulâ condidantur in frusta tres quatuorve digitos longa.

Bulliant, quod dealbare (*blanchir*) vulgò dicitur, in Aquæ sufficienti quantitate, quæ saporis vim aliquatenus refringat.

Eximantur deindè, et supra incerniculum disponantur ut



superfluus exstillet humor. Hæc dum peraguntur, fiat Syrupus de Saccharo purissimo ad graduum 56 densitatem usque decoquendus, in quem caules immergantur bulliantque, donec ab iis omnis humor abscesserit; quod tunc demum factum esse intelliges, cum cauliculi saccharo satis incocti solidescant; quo facto, cochleari foraminulis pertuso exempti, supra crates ferreas ligneasve reponentur, ut humor exstillet in supposita fictilia; ac demum exsuda-bunt in calidario, donec fragiles evaserint.

Caules Apii graveolentis, ipsique flores Aurantium et Citreorum cortices sive integri, sive summi, quos dicunt flavedines, eodem modo conservari queunt; sed integri quidem sic parabuntur Apii caules; Angelicæ verò frustatum, ut et Citreorum cortices, condire præstat.

7. CHOCOLATA SIMPLICIOR, QUAM VULGÒ DICUNT *CHOCOLAT DE SANTÉ*.

Cum sæpissimè Chocolata, lucri causâ, nimium adulteretur, vel admixtis heterogenæis, undè Massæ moles increseat, vel adhibitis malæ admodum notæ seminibus; indèque in diætam à medicis præscriptam non mediocre vitium sæpius inferatur; utile futurum hic loci credidimus, si methodum conficiendæ Chocolatæ inter formulas Pharmaco-ppreis proponendas exscriberemus. Cui quidem si, ex medici judicio, aliquid addere placuerit quod aut ad diætæ utilitatem, aut ad morborum curam conferat, id ex peculiari præscriptione, non clam, ut solent, nec promiscuè, neque indefinitè fieri conveniet.

**R̄.** Seminum Caracensium Theobromæ Cacao tostorum, teguminibus et radiculis mundatorum. 1,750

Seminum Theobromæ, insularum dietæ, simi-	
liter tostorum et mundatorum.....	3,000
Sacchari albissimi.....	5,000
Cinnamomi corticis in pulverem redacti.....	40

Semina utriusque Cacao ferreo mortario, prius calefacto, contunde cum quartâ parte Sacchari; quæ ubi in Massam contrita coaluerint, partitum axe ferreo conterentur suprâ lapidem lævissimum huic operi aptum, et ita calefactum ut Massa, facta calore mollior, facilius penitusque attenuetur; cui, ubi ad subtilitatem debitam pervenisse visa fuerit, Cinnamomum et Sacchari quod reliquum est addetur, pergeturque conterendo per horæ semiquadrantem: Massa demum, sic parata, in formas confectas ex laminis ferreis stanno obductis purissimas dividetur; in quibus frigefacta in soliditatem requisitam concreset.

*N. B.* Prout vel magis, quod apud Italos, vel minùs, quod apud Hispanos solitum est, torrentur semina, amaritiam quoque majorem minoremve contrahunt, et minorem aut majorem unguedinis propriæ suppeditant in Chocolatâ copiam. Torrendo enim Chocolatæ color ex obscure rubro in fuscum et sæpè ferè nigricantem vertitur; eademque simul amaritiam, non sine aromate, gustui non ingratam objicit. Ex alterutrâ igitur methodo, Italâ aut Hispanâ, modo tonicâ magis, modò demulcente et analepticâ virtute pollet Chocolata. Itaque hæc omnia à Medico, pro re natâ, definienda et requirenda sunt.

#### 8. CHOCOLATA VANILLÆ ODORE.

**R.** Massæ, modo suprâ præscripto paratæ, quantitatem suprâ dictam.

Cui adde, cum ad debitam subtilitatem pervenerit,

Vanillæ in pulverem tritæ.....	40
--------------------------------	----



Misce accuratè conterendo; deindè in formas divide, ut dictum est superius.

## V. TABULÆ SEU QUADRÆ ET PASTILLI.

*Tabulæ* seu *Quadræ* et *Quadrulæ*, aut, si minores sint multò, *Pastilli* dicuntur medicamentorum genus siccum, fragile, variis Pulveribus et Saccharo constans, quibus additur mucaginis cujuslibet ea quantitas, cujus ope devinctæ mollescunt in Massam tractabilem, quæ, in planum ducta et in quadrulas divisa æqualiter, in vaporario exsiccari debet.

Quandoquæ in mucaginis locum sufficitur saccharum ipsum aquâ solutum, ad plumulas usquè percoctum, quo devinciuntur pulveres.

Hoc genus medicamentorum in clausis asservandum est vasis, et reponendum in locis in quibus nequeant humescere.

*Pastillos* quoque specialiter vocant cum Saccharum ipsum ad plumulas decoctum, admixtis variis odoribus oleisve fragrans, guttatim in spherulas aut semispherulas dividitur.

### 1.º TABELLE OPE MUCAGINIS PARATÆ.

#### 1. TABELLE DE ALTHÆA.

**Rj.** Radicis Althææ (*Althæa officinalis*) in subtilissimum pulverem redactæ unciam unam et semis; vel... 48.

Sacchari albissimi in pulverem redacti uncias  
quatuor et semis, vel..... 144

Accuratè misce; fiat Massa cum mucagine Gummi Tra-  
gacanthæ, unde informentur postea Tabellæ secundum artem.

2. TABELLÆ DE SULFURE SIMPLICES.

**Rj.** Sulfuris sublimati et loti unciam semis, vel.. 16

Sacchari albissimi uncias quatuor, vel..... 128

Gummi Tragacanthæ in mucaginis lentorem

Aquâ Rosarum soluti..... quod sufficiet.

Ut fiant; secundum artem, Tabellæ in clibano exsic-  
candæ.

5. TABELLÆ DE SULFURE COMPOSITÆ.

**Rj.** Sulfuris sublimati et loti drachmas duas,  
vel..... 8 ,0

Acidi Benzoici sublimati grana duodecim, vel.. 0 ,6

Radici Ireos Florentinæ in pulverem redactæ  
drachmam semis, vel..... 2 ,0

Olei de Aniso stillatitii grana octo aut guttas  
duodecim; vel..... 0 ,4

Sacchari albi uncias quinque et semis, vel... 176 ,0

Cum sufficienti quantitate mucaginis Gummi Tragacanthæ  
fiant Tabellæ secundum artem.

4. TABELLÆ DE MAGNESIA, DICTÆ ABSORBENTES.

**Rj.** Magnesiæ pure unciam unam, vel..... 52

Sacchari albissimi uncias quatuor, vel..... 128

Cum sufficienti Gummi Tragacanthæ quantitate, Aquâ  
Naphe in mucaginem soluti, fiant Tabellæ.



*Simili modo parari possunt*

Tabellæ

De Concrementis, vulgò lapidibus  
Cancrorum.

5. TABELLÆ DE ACIDO OXALICO, DICTÆ AD SITIM.

<b>R̄.</b> Acidi Oxalici puri et suprâ porphyriten levi- gati drachmam unam, vel.....	4
Sacchari albissimi libram semis, vel.....	250
Olei volatilii Citrei grana duodecim aut guttas octodecim, vel.....	o ,6
Misce diù in mortario marmoreo, et, cum suffi- cienti quantitate mucaginis Gummi Tragacanthæ, fiant Tabellæ seu Pastilli, pondo circiter grana decem, vel.....	o ,5

*Simili modo parantur:*

Tabellæ de Acidis Tartari,  
Et Citrei.

6. TABELLÆ DE KINAKINA.

(*Cinchona Condaminea.*)

<b>R̄.</b> Extracti de Kinakinâ sicci unciam semis, vel.....	16
Sacchari albi puri uncias quatuor, vel.....	128
Cinnamomi ( <i>Laurus Cinnamomum</i> ) drachmam semis, vel.....	2
Misceantur accuratè, et, cum sufficienti quan- titate mucaginis Gummi Tragacanthæ, fiant ex arte Tabellæ, pondo circiter grana octo, vel....	o ,4

Saccharo involvendæ ; quarum singulæ continebunt extracti granum semis.

Serventur in vase clauso.

TABELLÆ SEU PASTILLI DE CATHECU SIMPLICES.

**R̄.** Extracti Cathecu purissimi in subtilissimum pulverem redacti..... 100  
 Sacchari albi purissimi..... 400  
 Mucaginis Gummi Tragacanthæ..... *quod sufficit.*  
 Ut fiant Pastilli pondo circiter grana duodecim,  
 vel..... 0 ,6  
 Quibus grana duo Cathecu continebuntur.

8. TABELLÆ DE CATHECU ET MAGNESIA.

**R̄.** Pulveris Cathecu drachmas sex, vel..... 24  
 Magnesie puræ et in pulverem redactæ uncias quatuor, vel..... 128  
 Pulveris Cinnamomi drachmas tres, vel..... 12  
 Sacchari albi libram semis, vel..... 250  
 Gummi Tragacanthæ grana duodecim, vel... 0 ,6  
 Aquæ Cinnamomi..... *quod sufficit.*  
 Diu commisceantur, et fiat Massa dividenda in Tabellas pondo circiter grana duodecim, vel... 0 ,6  
 Singulis autem inerunt Cathecu grani unius  $\frac{2}{3}$  et Magnesie grana quatuor.

9. TABELLÆ SEU PASTILLI DE CATHECU ODORATI.

**R̄.** Massæ Pastillorum Cathecu suprâ confectæ libram semis, vel..... 250



Adde Tincturæ Ambrae, aut alijs cujusvis, guttas sexdecim aut grana octo, vel..... 0 ,4  
 Misce accuratè et fiant Pastilli.

*Eodem modo parari possunt :*

Pastilli de Cathecu ferè omnes, quos inodorare licet varijs additis oleis volatilibus.

10. TABELLÆ SEU PASTILLI DE IPECACUANHA.

(*Cephalis emetica.*)

**R.** Radicis Ipecacuanhæ in subtilissimum pulverem redactæ unciam semis, vel..... 16

Sacchari albi uncias viginti, vel..... 640

Mucaginis Gummi Tragacanthæ Aquâ Naphe confectæ..... *quantum satis.*

Fiat Massa è quâ formentur Tabellæ pondo circiter grana duodecim, vel..... 0 ,6

Ità ut singulæ Ipecacuanhæ teneant quartam partem grani unius.....

11. TABELLÆ DE RHEO.

(*Rheum Palmatum.*)

**R.** Rhei electi et in pulverem redacti unciam semis, vel..... 16

Sacchari in pulverem triti uncias quinque, vel..... 160

Mucaginis Gummi Tragacanthæ Aquâ Cinnamonii paratæ..... *quantum satis.*

Ut fiant Tabellæ secundùm artem, pondo circiter grana duodecim, vel..... 0 ,6

Ità ut singulæ granum unum Rhei contineant.

12. TABELLÆ DE SCAMMONIO ET SENNA COMPOSITÆ.

Has Tabellas, Tabellis vulgò dictis *de Citro et Diacarthami* sufficere non dubitavimus, arbitrati nullum] in purgantibus, apud vulgum et rusticos præsertim usitatissimis, medicamentum admittendum esse, cujus virtus non satis apud nostros usu perspecta sit, aut quod temporis lapsu, si diù asservetur, facillè vitiari queat. Tales sunt in prædictis formulis *Hermodactyli*, qui rarò admodum hodiè usurpantur; talia etiam, in Tabellis iisdem, quæcumque oleoso-mucosis partibus abundant, ut *Medulla seminum Carthami*, et ipse *Pulvis dictus Diatragacanthi frigidi*, quem ideò inter hujus Codicis formulas non judicavimus admittendum.

<b>Rj.</b> Scammonii drachmas tres, vel.....	12
Foliorum Sennæ ( <i>Cassia Senna</i> ) drachmas quatuor et semis, vel.....	18
Rhei ( <i>Rheum Palmatum</i> ) drachmam unam et semis, vel.....	6
Caryophyllorum ( <i>Caryophyllus aromaticus</i> ) drachmam unam, vel.....	4
Corticis Citrei conditi unciam unam, vel.....	52
Sacchari optimi uncias sex et drachmas sex, vel.....	216
Summa omnium.....	288

Omnia in pulverem tenuissimum trita, accuratè commixta, humescant sufficienti quantitate mucaginis Gummi Tragacanthæ Aquâ Cinnamomi paratæ, et in tabellas sic-



centur, quarum pondus æquabit circiter drachmas sex,  
vel grammata viginti quatuor, in quibus

Purgantium ratio erit ut 1 ad 8, vel.....	5 <sup>gram.</sup>
Aromaticorum ut 1 ad 8, vel.....	5
Gummi simul et Sacchari ut 3 ad 4, vel.....	18
Summa, seu Tabellæ cujusque pondus.....	24 <sup>gram.</sup>

## 15. TABELLÆ DE FERRO.

**Rj.** Scobis Ferri supra Porphyriten levigatæ un-  
ciam semis, vel..... 16  
Pulveris Cinnamomi drachmam unam, vel.... 4  
Sacchari in pulverem triti uncias quinque, vel.. 160  
Misceantur cum Gummi Tragacanthæ, Aquâ Cin-  
namomi in mucaginem soluto..... *quantum satis.*  
Fiant Tabellæ secundum artem, pondo circiter  
grana duodecim, vel..... 0,6  
Ità ut singulæ circiter granum unum Ferri contineant.

14. TABELLÆ DE STIBII SULFURETO, DICTÆ ANTIMO-  
NIALES KUNKELII.

**Rj.** Amygdalarum dulcium decorticatarum un-  
ciam unam, vel..... 32  
Sacchari in pulverem triti libram semis, vel.... 250  
Contundantur simul in mortario marmoreo, et  
fiat Massa tenuissimarum partium.  
Dein adde seminum Cardamomi minoris (*Amo-  
mum Cardamomum*) mundatorum, et in pulverem  
cum tantillo Sacchari redactorum, unciam semis,  
vel..... 16

Cinnamomi in Pulverem triti drachmas duas,  
 vel..... 8  
 Sulfureti Stibii præparati unciam semis, vel... 16  
 Misce accuratè cum sufficienti quantitate mucaginis Gummi Tragacanthæ, et fiant Tabellæ pondo circiter grana duodecim, vel..... 6,6  
 Singula tenebit circiter Sulfureti Stibii granum semis; undè facile intelligitur quàm innocuè possit in his Tabellis adeò celebratis augeri multùm ratio Sulfureti Stibii.

2°. TABELLÆ ABSQUE MUCAGINIBUS PARATÆ.

15. PASTILLI DE MENTHA PIPERITA.

**R̄.** Sacchari albissimi uncias duas, vel..... 64  
 Aquæ Menthæ fragrantissimæ uncias duas,  
 vel..... 64

Coque, secundùm artem, ad Electuarii mollioris densitatem, in pultario manubriato et in acumen rostrato.

Interea,

**R̄.** Sacchari albissimi in pulverem crassiorem contriti, excluso per cribrum pollinarium quod in pulvere subtilius est, uncias quatuor, vel..... 128

Olei volatilis de Mentâ Piperitâ drachmam semis, vel..... 2

Ex quibus accuratissimè mixtis fiat Elæo-Saccharum, quod saccharo priùs decocto, adhuc calenti, spatulâ argenteâ diligenter admisceatur; illicò tunc et expeditè per acumen pultarii, veruculo juvante, liquida adhucdùm materies supra nitidum marmor, vel in chartam supra marmor extensam, guttatim effundetur. Refrigeratæ et concretæ guttulæ, super incerniculum disponantur, et sub remisso caloris gradu, per aliquot horas siccari pergant.



Sic habebuntur Pastilli de Menthá Piperitá loco sicco servandi.

---

### ELECTUARIA , CONFECTIONES , OPIATA SEU OPIATÆ.

Promiscuè hodiè , nullâque ferè habitâ curâ vocum discriminis , *Electuaria* , *Confectiones* , *Opiatæ* , vocantur medicamenta mollia , pulveribus constantia subactis Syrupo vel simplici , vel composito , sive saccharo paratus sit sive melle.

Ad hæc accedunt quoque in plurimis Extracta , Pulpæ , Sales , etc.

Omnia ea , quæcumque sint , quæ coeunt in *Electuaria* , itâ accuratè commiscenda sunt , ut eorum nulla pars in grumos coalescat.

Sæpiùs et frequentius subigendæ sunt , commovendæque penitùs *Electuariorum* Massæ , in faventinis porcellaneisque vasis asservandæ , et in locis neque humidis , neque intensius calidis reponendæ.

Quod nomen attinet , hanc vocem *Electuarium* ubique servavimus ; *Opiatum* , ut adjectivum *Electuarii* nomen , ut est *Opiata* *Confectionis* , iis tantùm adjecimus , in quibus *Opium* admittitur.

Divisimus porrò *Electuaria* in non *Purgantia* , vulgò dicta *Alterantia* , *Purgantia* , et *Opiata* . Pauca admodùm ex antiquo Codice admisimus , eaque imprimis ut aliis , pro re natâ , conficiendis exemplo essent . Delegimus autem ea ,

quæ frequentius in usu sunt, quorum nomina in ore omnium versantur, quasi inter simplicia numerarentur, et quorum virtus, etiã rudibus, maximè nota et perspecta creditur. Purgantia plura admisimus, quorum varietas præcipuè medicorum interest, propter variam hominum ægritudinumque conditionem, ab hoc medicamentorum genere præ ceteris facillè lædendam. Cæterum talia concinnare ferè omnia, pro necessitate, medentium potiùs est quàm pharmacopœi munus; neque enim indiscriminatim omnibus pleraque, quantacumque singulorum fama venditur, convenit præscribi; multa præterea in officinis, temporis lapsu, facillimè vitiantur.

ELECTUARIA NON PURGANTIA.

1. ELECTUARIUM SEU CONFECTIO DE CROCO EMENDATA,

OLIM DICTA *DE HYACINTHIS*.

<b>R̄.</b> Terræ sigillatæ præparatæ unciæ quatuor, vel.....	128
Concrementorum Cancrorum præparatorum unciæ quatuor, vel.....	128
Cinnamomi electi ( <i>Laurus Cinnamomum</i> ) unciam unam et drachmas tres, vel.....	44
Foliorum Dictamni Cretici ( <i>Origanum Dictamnus</i> ) drachmam unam et semis, vel.....	6
Santali Citrini ( <i>Santalum album</i> ) drachmam unam et semis, vel.....	6
Myrrhæ electæ drachmas duas, vel.....	8
Fiat secundam artem pulvis tenuissimus.	
Aliundè	
R̄. Mellis Narbonensis libram semis, vel.....	250



Syrupi de Adianto libram semis, vel.....	250
Sacchari albi libram semis, vel.....	250
Additâ Aquæ quantitate sufficienti ut liquefiant, decoquantur ad ebullitionem usquë, et fiat Syrupus. Hunc Syrupum semirefrigeratum misce paulatim et diu terendo	
Cum Croci Orientalis ( <i>Crocus sativus</i> ) in Pulverem tenuissimum redacti drachmis tribus, vel...	12
Santali rubri ( <i>Pterocarpus Santalinus</i> ) drachmis tribus, vel.....	12
Quo facto, adde etiam paulatim alios pulveres, demumque guttas sex Olei volatilîs de Cortice Citrei, quod, in Elæo-Saccharum versum, Electuario penitus commiscebitur.	
Summa Aromaticorum erit.....	88
Absorbentium seu antiacidorum.....	128
Terræ inertis Massæ partibus tantum interpositæ.....	128
Excipientium, Mellis, Syrupi, Sacchari.....	750
Summa totius.....	1,094
Primas in hoc Electuario tenent Crocus, Cinnamomum, Myrrha.	

*N. B.* In Electuariis notandum est veteres sæpè Terras inertes admiscuisse non adeò inutiliter, ac vulgò arbitrantur. Sic scilicet partes in mutuam cohærentiam pronæ disjunctæ manent, et æqualiùs sparse per Massam, quæ sic dividitur faciliùs, per minima quæque similior sibi.

Santalum rubrum adjecere causâ coloris, nimum, ex Croco solo, temporis lapsu mutabilis.

In locum autem Syrupi de Limonibus vulgò præscripti, suffecimus Syrupum de Adianto, ut integra maneret anti-acida vis Carbonatis Calcis, quo, magnâ ex parte, constant Cancrorum concrementa.

2. ELECTUARIUM DE KINAKINA, VULGÒ OPIATA  
FEBRIFUGA.

**R̄.** Kinækinæ (*Cinchona Condaminea*) in pulverem re-  
ductæ uncias duas et drachmas duas, vel..... 72  
Muriatis Ammoniacæ drachmam unam, vel..... 4  
Mellis optimi uncias duas, vel..... 64  
Syrupi de Absinthii uncias duas, vel..... 64

---

Summa..... 204

Fiat Electuarium in quo Cinchonæ cortex paulò ultra ter-  
tiam obtinebit totius partem.

ELECTUARIA PURGANTIA.

3. ELECTUARIUM DE RHEO COMPOSITUM, VULGÒ DICTUM  
VETERIBUS CATHOLICUM DUPLICATUM RHEO.

**R̄.** Radicum Polypodii (*Polypodium vulgare*)  
contusarum libram semis, vel. 250  
Cichorii (*Cichorium Intybus*) un-  
cias duas, vel..... 64  
Glycyrrhizæ (*Glycyrrhiza gla-  
bra*) unciam unam, vel.... 52  
Foliorum Agrimonie (*Agrimonia Eupato-  
rium*) uncias tres, vel..... 96  
Scolopendrii (*Scolopendrium vul-  
gare*) uncias tres, vel..... 96  
Coquantur igne moderato in Aquæ communis  
libris sex, vel..... 5,000  
Ad tertie partis consumptionem, sub finem addendo



Seminum Feniculi ( <i>Anethum Feniculum</i> ) drachmas sex, vel.....	24
Cola et exprime.	
Colatus liquor cum Sacchari optini libris quatuor, vel.....	2,000
Coquatur paulò suprâ Syrupi communis spissitudinem.	
Cui ab igne remoto admisce	
Extracti Cassiæ ( <i>Cassia fistula</i> ) uncias quatuor, vel.....	128
Pulpæ Tamarindorum ( <i>Tamarindus Indica</i> ) uncias quatuor, vel.....	128
Dein paulatim et partitò adjice pulverem paratum ex commixtis	
Rhei electi ( <i>Rheum Palmatum</i> ) uncias quatuor, vel.....	128
Foliorum Sennæ ( <i>Cassia Senna</i> ) mundatorum uncias quatuor, vel.....	128
Glycyrrhizæ rasæ ( <i>Glycyrrhiza glabra</i> ) unciâ unâ, vel.....	32
Seminum Violarum ( <i>Viola odorata</i> ) uncias duas, vel.....	64
Seminum quatuor frigidorum unciâ unâ, vel..	32
Seminum Feniculi ( <i>Anethum Feniculum</i> ) unciâ semis, vel.....	16
Misce accuratè; fiat Electuarium, in quo Pulverum summa erit.....	400
Pulparum.....	256
Decocti in Syrupum densiorem inspissati circiter.....	2,840
Totius summa circiter.....	5,496
Primas autem in eo tenebunt partes Rheum et Senna; quorum ratio ad summam Electuarii erit circiter ut 1 ad 14.	

4. ELECTUARIUM DE ALOË COMPOSITUM, DICTUM VETERIBUS *HIERA PICRA*.

**R̄.** Cinnamomi (*Laurus Cinnamomum*) drachmas sex, vel..... 24  
 Macis (*Myristica aromatica*) drachmas sex, vel. 24  
 Radicis Asari (*Asarum Europæum*) drachmas sex, vel..... 24  
 Croci (*Crocus Sativus*) drachmas sex, vel..... 24  
 Mastiches drachmas sex, vel..... 24  
 Aloës soccotrinæ uncias duodecim, vel..... 584  
 Mellis optimi libras tres, vel..... 1,500  
 Summa totius..... 2,004  
 Fiat Electuarium, in quo Aloës ratio ad Massam erit circiter..... 1 ad 5

5. ELECTUARIUM DE ALOË, MURIATE HYDRARGYRI, ET FERRO, DICTUM VULGÒ *OPIATA MESENERICA*.

**R̄.** Gummi-resinæ Ammoniæ in pulverem redacti unciam semis, vel..... 16  
 Sennæ (*Cassia Senna*) drachmas sex, vel..... 24  
 Muriatis Hydrargyri dulcis drachmas duas, vel. 8  
 Radicis Ari (*Arum maculatum*) drachmas duas, vel..... 8  
 Aloës Soccotrinæ drachmas duas, vel..... 8  
 Pulveris de Scammonio compositi, dicti de Tribus, drachmas tres, vel..... 12  
 Rhei electi (*Rheum palmatum*) drachmas tres, vel 12  
 Scobis Ferri purissimæ supra porphyriten levigatæ unciam semis, vel..... 16  
 Summa omnium..... 104  
 Contritis iis quæ conterenda sunt, omnia excipiantur sulf..... 49



cienti quantitate Syrupi de Sennâ, vulgò *de Pomis*, compositi, quæ erit circiter omnium duplex.

Fiat secundum artem Electuarium.

Varia hujus Electuarii medicamina sub formâ pulveris commixta asservari possunt, et tunc tantum syrupus iis admisceri cum præscribitur; alioquin, quantumvis molle fuerit recens, progressu temporis, ob ferrum quod ipsi inest, mirè indurescit.

Summa Electuarii tunc erit .....	312
Ratio autem ad summam habebitur Ferri ut..	1 ad 19 ,5
Aloës et Muriatis Hydrargyri, uniuscujusque singulatim ut.....	1 ad 59 ,0
Purgantium omnium simul sumptorum cir- citer ut.....	1 ad 5 ,0

6. ELECTUARIUM DE SENNA ET FRUCTUUM PULPIS  
COMPOSITUM DICTUM VULGÒ *EL. LENITIVUM*.

<b>R.</b> Hordei integri ( <i>Hordeum distichum</i> ) un- cias duas, vel.....	64
Radicum Polypodii querni ( <i>Polypodium vul- gare</i> ) uncias duas, vel.....	64
Glycyrrhizæ rasæ et contusæ ( <i>Glycyrr- rhiza glabra</i> ) unciam unam, vel..	32
Foliorum Scolopendrii officinalis recentium un- ciam unam et semis, vel.....	48
Mercurialis ( <i>Mercurialis annua</i> ) re- centium uncias quatuor, vel.....	128
Acinorum de Passulis ( <i>Vitis vinifera aut apy- rena</i> ) uncias duas, vel.....	64
Prunorum Damascenorum ( <i>Prunus domestica</i> ) unciam unam et semis, vel.....	48
Jujubarum ( <i>Zizyphus sativus</i> ) unciam unam et semis, vel.....	48

Tamarindorum ( <i>Tamarindus Indica</i> ) uncias duas, vel.....	64
Bulliant primò Hordeum donec rumpatur, deinde Polypodium in frustula contractum, ac demùm cætera, in aquæ sufficienti quantitate.	
Seorsim verò decoquantur	
Foliorum Sennæ ( <i>Cassia senna</i> ) uncia duæ, vel.....	64
Decoctum unum et alterum misceantur, et bulliant, donec supersint ex utroque libræ quinque,	
vel.....	2,500
Quibus addantur	
Sacchari libræ duæ et semis, vel....	1,250
Decoquantur in syrupum solito densiorem.	
Syrupo demùm sic parato diluantur	
Extracti Cassiæ uncia novem, vel.....	288
Pulpæ Tamarindorum uncia novem, vel.....	288
Ac demùm, omnibus commixtis, admisceantur	
Foliorum Sennæ, tritorum in pulverem tenuissimum, uncia quinque, vel.....	160
Seminum Feniculi ( <i>Anethum Feniculum</i> ) tritorum drachmæ duæ, vel.....	8
Anisi ( <i>Pimpinella Anisum</i> ) tritorum drachmæ duæ, vel.....	8
Omnia simul exagitentur spatulâ lignea, ut penitus commisceantur et coëant in Electuarium, cujus Massa æquabit libras circiter quatuor, cum uncis quatuor et drachmis quatuor, vel.....	
Sennæ autem tum decoctæ, tum in pulverem tritæ ratio ad summam Electuarii erit circiter ut 1 ad 9,6	2,144
Cætera ex dulcibus et Saccharo et Pulpis ferè constant.	
In enematibus præcipuè adhibetur hoc Electuarium.	



7. ELECTUARIUM DE SCAMONIO ET TURPETHO COMPOSITUM, DICTUM VULGÒ *DIAPHOENIX*.

<b>Rj.</b> Pulpæ Dactylorum ( <i>Phœnix Dactylifera</i> ) semilibram, vel.....	250
Amygdalarum dulcium decorticatarum ( <i>Amygdalus communis</i> ) unciâs tres et semis, vel.....	112
Sacchari in pulverem triti semilibram, vel...	250
Terantur Amygdalæ, ipsisque paulatim admisceantur Dactylorum Pulpa et Saccharum, ac demùm	
Mellis despumati libræ duæ, vel.....	1,000
Tunc addantur pulveres sequentes parati ex singulis seorsim tritis	
Zinziberis ( <i>Amomum Zingiber</i> ) drachmis duabus vel.....	8
Piperis ( <i>Piper nigrum</i> ) drachmis duabus, vel	8
Macis ( <i>Myristica aromatica</i> ) drachmis duabus, vel.....	8
Cinnamomi ( <i>Laurus Cinnamomum</i> ) drachmis duabus, vel.....	8
Foliorum Rutæ ( <i>Ruta graveolens</i> ) drachmis duabus, vel.....	8
Stygmatum Croci ( <i>Crocus sativus</i> ) granissex, vel	0,5
Seminum Dauci Cretici ( <i>Athamanta Cretensis</i> ) drachmis duabus, vel.....	8
Feniculi ( <i>Anethum Feniculum</i> ) drachmis duabus, vel.....	8
Radicis Turpethi tenuissimè triti ( <i>Convolvulus Turpethum</i> ) unciâs quatuor, vel.....	128
Scammonii Alepensis ( <i>Convolvulus Scammonium</i> ) unciâ unâ et semis, vel.....	48
Summa omnium.....	1,844,5

Misceantur intimè ut fiat Electuarium.

Ratio purgantium drasticorum ad Massam erit

ut..... 1 ad 10,5

Aromaticorum autem ad purgantia ratio circiter

ut..... 1 ad 3

Cætera constant ex dulcibus, Melle et Saccharo; quorum summa novies circiter æquat pondus purgantium.

Hoc Electuarium in nosocomio Caritatis frequenter in enematis usurpatur ad colicum Pictorum dolorem.

ELECTUARIA OPIATA.

8. ELECTUARIUM OPIATUM POLYPHARMACUM, *THE-  
RIACA* DICTUM.

Theriacam hic inscripsimus, qualem exposuit Codex Parisiensis nuperrimus (ed. quinta 1758). Trochiscos tamen Hedychroon, Viperinos, et Scillæ in elementa ita divisimus, ut medicamentorum Trochiscis illis et Theriacæ ipsi communium pondera addendo auxerimus, ea verò quæ in solis Trochiscis continentur, Theriacæ totius catalogo proprio quæque loco annumerarentur; unde nulla materies in hac Theriacæ editione, nullum pondus adest, quod à Codicis præcedentis Theriacâ discrepet.

Prætereà in ordinandis medicaminibus, non, ut olim, æqualitatem ponderum secuti sumus, sed naturæ et qualitatum, quantum licuit, consociavimus analogias, et in singulis plerumquè priora inscripsimus quæ valentiora; ex hoc scilicet ordine percelebris hujus compositionis natura melius intelligetur; et, si cui forsàn æqualia sed simpliciora componere fuerit animus, facilè ad eandem vim utilitatemque poterit accedere.



Ordinem igitur medicamentorum sic institimus, ut locum quæque suum tenerent 1° inter *Acria*, seu ea quæ mucosas secretiones præcipuè sollicitare valent, inter quæ retulimus semina quæ ex cruciferis desumuntur. 2° *Amara*, quorum in numero inscripsimus et ea, quæ herbaceo extracti ferè tantùm sapore distinguuntur, ut *Hypericum*; 3° *Styptica* seu astringentia; 4° *Aromatica exotica*; 5° *Aromatica ex indigenis*, inter quæ *Crocum* quoque numeravimus, qui facile etiam *Virosis* seu *Narcoticis* ascriberetur; 6° *Aromatica ex Umbelliferis*, quæ sedem merentur sibi propriam; 7° *Resinas* et *Balsama*; 8° *Graveolentia*, in quibus et *Gummi-resinæ*, et ex animalibus fetida consociantur; 9° *Virosa*, quam sedem occupat *Opium*; 10° *Gummosa*, *Amylacea*, *Gelatinosa*; 11° *Terram inertem*; 12° *Dulcia* demùm, *Mel* præcipuè; 13° et ultimò *Vinum*; ità ut ista *Theriacæ* compositio videatur antiquæ *Materiæ medicæ* ferè totius quasi exemplar, ostendatque quibus mente atque consilio, multò ante *Galen*i tempora, talia à veteribus conficerentur.

**R.** 1°. *Acria*.

Pulpæ ex <i>Scillâ</i> ( <i>Scilla maritima</i> ) paratæ unciâs tres, drachmas quatuor, grana sexaginta, vel.	115 ,0
<i>Radici</i> s <i>Asari</i> ( <i>Asarum Europæum</i> ) grana quadraginta octo, vel.....	2 ,4
<i>Agarici albi</i> ( <i>Boletus Laricinus</i> ) unciam unam et semis, vel.....	48 ,0
<i>Seminum Buniadis</i> ( <i>Brassica Napus sylvestris</i> ) unciam unam et semis, vel.....	48 ,0
<i>Thlaspeos</i> ( <i>Thlaspi arvense</i> ) unciam semis, vel.....	16 ,0
<b>Summa Acrium</b> .....	229 ,4

2°. *Amara.*

Myrrhæ Troglodyticæ unciam unam, vel. . . .	52 ,0
Comarum Centaurii minoris ( <i>Erythræa Centaurium</i> ) drachmas duas, vel. . . . .	8 ,0
Radicum Gentianæ ( <i>Gentiana Lutea</i> ) unciam semis, vel. . . . .	16 ,0
Rhapontici ( <i>Rhei Rhapontici</i> ) drachmas sex, vel. . . . .	24 ,0
Herbarum Scordii ( <i>Teucrium Scordium</i> ) unciam unam et semis, vel. . . . .	48 ,0
Chamædryos ( <i>Teucrium Chamædryos</i> ) unciam semis, vel. . . . .	16 ,0
Chamæpithyos ( <i>Teucrium Chamæpithyos</i> ) unciam semis, vel. . . . .	16 ,0
Summitatum Hyperici ( <i>Hypericum perforatum</i> ) unciam semis, vel. . . . .	16 ,0
Summa Amarorum. . . . .	176 ,0

5°. *Saporis Styptici, vulgò Astringentia.*

Petalorum Rosarum rubrarum ( <i>Rosa Gallica</i> ) unciam unam et semis, vel. . . . .	48 ,0
Radicis Pentaphylli ( <i>Potentilla reptans</i> ) drachmas sex, vel. . . . .	24 ,0
Succi Hypocistidis ( <i>Cytinus Hypocistis</i> ) drachmas quatuor, vel. . . . .	16 ,0
Succi Acaciæ ( <i>Mimosa Nilotica, aut Acacia vera</i> ) drachmas quatuor, vel. . . . .	16 ,0
Chalcitidis ustæ, aut meliùs Colcothar ( <i>Oxidum Ferri rubrum</i> ) drachmas quatuor, vel. . . . .	16 ,0
Summa Stypticorum. . . . .	120 ,0



4<sup>o</sup>. *Aromatica exotica.*

Corticum Cinnamomi Zeylanensis ( <i>Laurus Cinnamomum</i> ) uncias duas et semis, vel	80 ,0
Cassiae Lignae ( <i>Laurus Cassia</i> ) unciam unam, vel.....	32 ,0
Radicum Zinziberis ( <i>Amomum Zingiber</i> ) drachmas sex, vel.....	24 ,0
Fructuum Piperis longi uncias tres, vel.....	96 ,0
Piperis nigri drachmas sex, vel...	24 ,0
Amomi racemosi unciam unam, vel.	32 ,0
Cardamomi minoris ( <i>Amomum Cardamomum</i> ) unciam semis, vel...	16 ,0
Foliorum Malabathri ( <i>Laurus Cassia</i> ) drachmas sex, vel.....	24 ,0
Herbæ Schcenanthi ( <i>Andropogon Schœnanthus</i> ) unciam unam et drachmas sex, vel.....	56 ,0
Radicis et caulis Nardi Indicæ ( <i>Andropogon Nardus</i> ) unciam unam, vel.....	32 ,0
Radicum Nardi Celticæ ( <i>Valeriana Celtica</i> ) unciam semis, vel.....	16 ,0
Costi Arabici drachmas septem, vel.	28 ,0
Acori veri ( <i>Acorus Calamus</i> ) drachmas quinque, vel.....	20 ,0
Ligni Aloës ( <i>Aloëxylum verum</i> ) grana quadraginta octo, vel.....	2 ,4
Aromatum exoticorum summa.....	482 ,4

5<sup>o</sup>. *Aromatica indigena.*

Stigmatum Croci ( <i>Crocus sativus</i> ) unciam unam, vel.....	32 ,0
Corticum Citrei ( <i>Citrus medica</i> ) siccatorum drachmas sex, vel.....	24 ,0

CODEX MEDICAMENTARIUS. 321

Herbarum Calaminthæ montanæ ( <i>Melissa Calamintha</i> ) drachmas sex, vel...	24 ,0
Dictamni Creticæ ( <i>Origanum Dictamnus</i> ) drachmas sex, vel....	24 ,0
Florum Stœchados Arabicæ ( <i>Lavandula Stœchas</i> ) drachmas sex, vel.....	24 ,0
Verticillorum Prassii ( <i>Marrubium vulgare</i> ) drachmas sex, vel.....	24 ,0
Summitatum Polii montani ( <i>Teucrium Polium</i> ) unciam semis, vel.....	16 ,0
Mari ( <i>Teucrium Marum</i> ) grana quadraginta octo, vel.....	2 ,4
Amaraci ( <i>Origanum Majorana</i> ) grana quadraginta octo, vel..	2 ,4
Radicum Iridis Florentinæ unciam unam et semis, vel.....	48 ,0
Summa Aromatum ex indigenis.....	220 ,8
6°. <i>Aromatica ex Umbelliferis.</i>	
Seminum Petroselini Macedonici ( <i>Bubon Macedonicum</i> ) drachmas sex, vel...	24 ,0
Ammeos ( <i>Sison Ammi</i> ) unciam semis, vel.....	16 ,0
Feniculi ( <i>Anethum Feniculum</i> ) unciam semis, vel.....	16 ,0
Anisi ( <i>Pimpinella Anisum</i> ) unciam semis, vel.....	16 ,0
Seseleos Massiliensis ( <i>Seseli tortuosum</i> ) unciam semis, vel.....	16 ,0
Dauci Cretici ( <i>Athamanta Creten-sis</i> ) drachmas duas, vel.....	8 ,0
Radicum Mei Athamantici ( <i>Æthusa Meum</i> ) unciam semis, vel.....	16 ,0
Summa Aromatum ex Umbelliferis,.....	112 ,0



7°. *Resinosa et Balsama.*

Ligni dicti Xylobalsamum ( <i>Amyris Opobalsamum</i> ) drachmam unam, vel.....	4 ,0
Fructuum quos dicunt Carpobalsamum ( <i>Amyris Opobalsamum</i> ) unciam semis, vel.....	16 ,0
Resinæ dictæ Opobalsamum ( <i>Amyris Opobalsamum</i> ) unciam unam et drachmas septem, vel.....	60 ,0
Resinarum Thuris Masculi, aut Olibani ( <i>Juniperus Lycia</i> ) drachmas sex, vel.....	24 ,0
..... Terebinthinæ Chiæ ( <i>Pistacia Terebinthus</i> ) drachmas sex, vel....	24 ,0
..... Mastiches ( <i>Pistacia Lentiscus</i> ) grana viginti quatuor, vel.....	1 ,2
Bituminis Judaici sive Asphalti drachmas duas, vel.....	8 ,0
..... Balsami Storacis Calamitæ ( <i>Styrax officinalis</i> ) unciam semis, vel.....	16 ,0
Aromatum summa ex Resinis et Balsamis...	153 ,2

8°. *Grave-olentia.*

Radicum Valerianæ majoris ( <i>Valeriana officinalis</i> ) drachmas quinque, vel...	20 ,0
..... Aristolochiæ tenuis ( <i>Aristolochia Pistolochia</i> ) drachmas duas, vel..	8 ,0
Gummi Resinarum Galbani ( <i>Bubon Galbanum</i> ) drachmas duas, vel.....	8 ,0
..... Opopanacis ( <i>Pastinaca Opopanax</i> ) drachmas duas, vel.....	8 ,0
..... Sagapeni unciam semis, vel.....	16 ,0

Castorei ( <i>Castor Fiber</i> ) drachmas duas, vel.....	8 ,0
Summa Grave-olentinum.....	68 ,0
9°. <i>Virosa</i> , seu quæ Narcosim inducunt.	
Opii Thebaici ( <i>Papaver somniferum</i> ) uncias tres, vel.....	96 ,0
10°. <i>Terrea insipida et inertia</i> .	
Terræ Lemniæ, drachmas quatuor, vel.....	16 ,0
11°. <i>Gummosa, Amylacea, etc.</i>	
Gummi Senegalensis ( <i>Acacia</i> , aut <i>Mimosa Se-</i> <i>negalensis</i> ) drachmas quatuor, vel.....	16 ,0
Medullæ Panis triticeï drachmas quinque et grana quinquaginta, vel.....	22 ,5
Farinæ Orobi ( <i>Orobis Sylvaticus</i> ) uncias duas, drachmas tres, et grana quindecim, vel.....	76 ,75
Carnis Viperinæ ( <i>Coluber Viperæ</i> ) uncias duas, drachmas duas et grana viginti, vel.....	75 ,0
Summa Gummosorum.....	187 ,80
12°. <i>Dulcia</i> .	
Succi Glycyrrhizæ ( <i>Glycyrrhiza glabra</i> ) un- ciam unam et semis, vel.....	48 ,0
Mellis Narbonensis libras decem et semis, vel..	5,250 ,0
Summa Dulcium.....	5,298 ,0
13°. <i>Vinum</i> .	
Vini Hispanici circiter libras duas et semis, vel.	1,250 ,0
Summa omnium.....	8,409 ,6
Pars Vini solvendo Melli, pars Opio diluendo, pars alia Gummi succorumque solutioni inserviat; singula seorsim	



percolentur; soluta misceantur Opio Mel et succus Glycyrrhizæ Gummiq̄ue, deindè Colcothar, tandemque Balsama et Resinæ; ac demùm pulveres non affatim, sed paulatim adjiciantur.

Massa omnis probè mixta subactaque, per annum, vase clauso, ut lentè fermentescat, reponatur.

Opii integri ratio ad summam erit circiter ut 1 ad 88 paulò minor quàm grani unius pro drachmâ unâ. Extractum autem, quod longè sine dubio præstaret, si prætuleris, ratio ipsius dimidiata habenda est scilicet 1 ad 176(1).

(1) Ex hâc multiplici adeò, et, ut vulgò creditur, inconditâ materierum miscelâ, quodnam enascatur medicamenti genus, chymicâ analysi, nobis instantibus, elucidare conatus est D. *Guilbert*, Pharmacopœus Parisiensis solertissimus, cujus laboris summam breviter hic proponere liceat.

Ex Theriacæ unciis duabus, vel ex amussim..... gram. 61,188200  
Variâ adhibitâ operationum serie, eliciuntur sequentia.

(1) *Solo Alcoole solubilia*

Alcoolem destillando sequuntur olei volatilii non obscura indicia, nullâ arte satis æstimanda.

Aquâ autem admixtâ, turbato et colato Alcoole, colo excipiuntur, facillè dignoscenda

Resina.....	}	unc. dr. gr.	gram.
Balsamum.....		unâ.. » 1 12...	4 461640
Terebinthina.....			
Oleum viride.....			

(2) *Ex Alcoole autem in Aquam cædentiâ*

Mel.....	}		
Croci odor et color.....		unâ.. 1 3 18..	45,022950
Gentianæ propria amarities...			

(3) *Quæ Alcoole non solvuntur et Aquâ frigidâ solvi queunt*

Extractum, quod, protracto aëris contactu, præceptis demùm agi-

	unc.	dr.	gr.	gram.
tur, et Aquâ tunc ipsâ fit insolubile.....	"	"	6...	0,518690
Extractum, quod Aquâ solutum permanet.....	"	1	22...	4,992790
(4) <i>Aquâ bulliente tantummodo solubilia</i>				
Extractum insipidum lamellis splendentibus constans.....	"	"	16...	0,849840
Flocci leves suspensi, non soluti.	"	"	4...	0,212460
(5) <i>Aquâ et Alcoole nullo modo solubilia</i>				
Quæ igne adusta dissipantur, quæ debentur ligneis vegetabilium partibus, et libræ Viperinæ carnis.....	"	1	48...	6,575780
Quæ solubilia sunt Acido Muriatico et cum ipso effervescent.....	"	"	7...	0,571800
Ex cineribus demùm habetur silicea materies, cujus pars crassior, dimidia totius, ab alienis certè accessit; pars autem subtilior Theriacæ ipsi tribui debet.....	"	"	3...	0,159540
(6) Deperdita quedam, aut quæ expendi nequeunt.....	"	"	8...	0,424910
	2	"	"...	61,188200

*N. B.* (1) Alcoholatum quod ex Theriacâ stillavit Theriacam odore refert; quod ex Alcoole ipso, seu Tincturâ Theriacali, Aquâ mediante præceps agitur Extractum Alcoholicum, Theriacam et Bitumen redolet, colore ex viridi fusco, sapore acri piperato. Oleum autem viride non totum, nisi bulliente Alcoole solvitur. (2) Quod ex Alcoole in Aquam cessit, indicia quæ prætulit salis calcarei, et alienjus tum Sulfatis, tum Muriatis, nullatenus verò Acetatis. (3) Extractum quod Aquâ frigidâ, post Alcoolem, solutum est, fusco colore, aëris contactu nigrescit, tenetque aliquod et Gummi, et quod vocant *Tanin*; at nullam partem Sulfatis Ferri; quæ tamen manifesta admodum fit in Theriacâ D. Bæmæ, in quâ in Colcothar locum sufficitur Sulfas Ferri ad albedinem exustus; non spernendâ sanè inter utramque Theriacam differentiâ. (4) In Extracto Aquâ tantum bulliente solubili dignoscitur Amylus; floccorum autem exustorum fumi materiam prodant vegeto-animalem. (5) Quod est residuum, dum exoritur, odorem vegeto-animale substantiæ emittit. Quod autem è cineribus in Acidem cessit Sales dedit Aquâ stillatâ solubiles, quibus cyanæi colores non immutantur, sapore



metallico notabiles, et, ubi notis probantur artificiis, Calcem, Alumineam terram, et Oxidum Ferri, prodentes.

Notandum autem hic speciatim est nullam omninò differentiam inter analysim Theriacem recentissimam, de industriâ ad hocce opus præparatæ, Theriacem vetustioris per quatuor annos in officinâ repositæ, et antiquioris et penè exsiccatae, quæ post annos quadraginta asservabatur apud D. BOUVER Pharmacopœum Parisiensem, et olim confecta fuerat solemniter, juxta eandem formulam, in Pharmacopœorum publico consensu. Huic scilicet eadem Mellis inerat quantitas, quæ in recentioribus. Hoc tantùm differebat, quod residuum post solutionem Alcoolicam materiei inerat quoddam, micis albicantibus constans, quod videbatur melli deberi, et ejus esse partem illam à D. PROVER optimè notatam, quæ sola ex melle in crystallos glomeratas valet concresecere. Cætera iisdem et naturâ et ratione in omnibus dictis Theriacis inveniebantur. Undè patet quid sentiendum sit de illâ ad eò celebratâ fermentatione, pro perficiendâ in annos Theriacâ.

Veruntamen fatendum est, quantâcumque solertiâ peragatur medicamentorum analysis, fugacem nimis volatiliam partium vim nullâ esse lance trutinandam; et eam hucusquè omni se subripuisse Chymicorum industriæ. Multa tamen in hac ipsâ odorum subtilitate, ad eò mutabili, inest medica vis et actio in æquè subtilem nervorum influxum, quo mirum varia in modum viventium organorum incitatur efficacia. Igitur dici non potest quid decedat aut accedat temporis lapsu Theriacæ hujus virtuti; neque certè vetustissimam recentiori, ut multi contendunt, longè præstare negabimus.

9. ELECTUARIUM OPIATUM ASTRINGENS, VULGÒ  
DIASCORDIUM.

<b>Rj.</b> Foliorum Scordii ( <i>Teucrium Scordium</i> ) sic- catorum unciam unam et semis, vel.....	48
Rosarum rubrarum ( <i>Rosa Gallica</i> ) unciam semis, vel.....	16
Radicum Bistortæ ( <i>Polygonum Bistorta</i> ) unciam semis, vel.....	16
Gentianæ ( <i>Gentiana lutea</i> ) unciam se- mis, vel.....	16
Tormentillæ ( <i>Tormentilla erecta</i> ) un- ciam semis, vel.....	16
Seminum Berberidis ( <i>Berberis vulgaris</i> ) unciam semis, vel.....	16
Ziniberis ( <i>Amomum Zingiber</i> ) drachmas duas, vel.....	8
Piperis Longi ( <i>Piper Longum</i> ) drachmas duas, vel.....	8
Cassiæ lignæ ( <i>Laurus Cassia</i> ) unciam semis, vel.	16
Cinnamomi ( <i>Laurus Cinnamomum</i> ) unciam se- mis, vel.....	16
Dictamni Creticæ ( <i>Origanum Dictamnus</i> ) unciam semis, vel.....	16
Styracis Calamitæ ( <i>Styrax officinalis</i> ) unciam semis, vel.....	16
Galbani ( <i>Bubon Galbanum</i> ) unciam semis, vel.	16
Gummi Arabici unciam semis, vel.....	16
Boli Orientalis præparati uncias duas, vel.....	64
Extracti Opii Vino parati drachmas duas, vel..	8
Mellis rosati percolati, et ad lentorem usque Mel- lis excocti, libras duas, vel.....	1,000



Vini Hispani generosi, quod satis est, aut circiter libram semis, vel..... 250

Solutis inde Galbano in aliquantulo Vino, inde Melle, iisdem deinde commixtis, admixtisque paulatim pulveribus, fiat ex arte Electuarium, quod sæpius agitetur, donec in debitam densitatem devenerit.

In locum Styracis Calamitæ suffici potest aut Balsamum Tolutanum (*Toluifera Balsamum*), aut Benzoinum (*Styrax Benzoin*).

Summa totius Electuarii erit circiter..... 1,472

Ratio Extracti Opii ad summam Electuarii erit ut 1 ad 184; neque multum aberit ab ipsius in Theriacâ ratione, si in Theriacâ non Opii integri, sed solius Extracti rationem habueris.

#### 11. ELECTUARIUM DENTRIFICIUM.

**Rj.** Corallii rubri (*Isis Nobilis*) præparati uncias quatuor, vel..... 128

Ossis Sepiæ (*Sepia officinalis*) in tenuissimum pulverem triti unciam unam, vel..... 32

Cinnamomi (*Laurus Cinnamomum*) in pulverem triti unciam unam, vel..... 32

Coccinellæ (*Coccus Cacti*) in tenuissimum pulverem tritæ unciam semis, vel..... 16

Mellis Narbonensis uncias decem, vel..... 320

Aluminis in pulverem triti drachmam semis, vel. 2

Tere diu in mortario marmoreo Coccinellam et Alumen, cum parvâ quantitate Aquæ communis, usque dum eliciatur color purpureus.

Tum adde paulatim Mel et alios pulveres, et erit Electuarium, Oleis volatilibus inodorandum variis. Drachma una Electuarii satis inodorabitur olei guttâ unâ.

VII. PILULÆ ET BOLI.

Pilulæ vocantur medicamenta mixtis accuratè Pulveribus, ope Syrupi, Mucaginis, Mellis, Extracti vel Conservæ cujuslibet intimè unitis constantia, undè Massa conficitur sat solida, ut facilè tractari digitis ducique, et in partes molis parvæ æqualiter dividi, atque in sphæriculas effingi possit.

Ne solidentur nimium Pilulæ cavendum est: ideòque diù conterendæ sunt in mortario Massæ Pilularum, antequàm dividantur. In officinis autem ipsæ Massæ indivisæ inter membranas Oleo purissimo mollitas asservandæ sunt; quas, pro necessitate, ne rancescant, novis commutare convenit. Si Massa ipsa nimium induruerit, Syrupo convenienti admixto, conterenda et mollienda est.

Massas tantum, non Pilulas, in officinis asservare præstat; et tunc tantum in Pilulas effingi debent, cum à Medico præscribuntur.

I. PILULÆ DE SAPONE.

<b>R.</b> Saponis Amygdalini libram semis, vel. . . . .	250
Pulverum Radicis Althææ ( <i>Althæa officinalis</i> ) un-	
ciam unam, vel. . . . .	52
Nitratis Potassæ drachmas duas, vel. . . . .	8

Contunde Saponem cum sufficiente quantitate olei Amygdalarum dulcium in mortario marmoreo. Dein adde Pulveres, et fiat Massa, ex quâ Pilulæ informari poterunt.



2. PILULÆ DE ALOE ET KINAKINA, DICTÆ *STOMACHICÆ*,  
VEL *ANTE CIBUM*.

**R̄.** Aloës Soccotrinæ in pulverem tritæ drachmas sex, vel..... 24  
Extracti de Kinakinâ drachmas tres, vel..... 12  
Cinnamomi (*Laurus Cinnamomum*) drachmam unam, vel..... 4  
Misce cum Syrupi de Absinthiis quod satis est, ut fiat Massa, cujus Aloës æquabit circiter quartam partem; dividenda in pilulas, quarum singula æquabit grana quatuor.

5. PILULÆ DE ALOE ET MYRRHÆ, DICTÆ *RUFÆ*.

**R̄.** Aloës Soccotrinæ in pulverem tritæ uncias duas, vel..... 64  
Myrrhæ in pulverem tritæ unciam unam, vel.. 32  
Croci stigmatum (*Crocus Sativus*) unciam semis, vel..... 16  
Misce, et cum Syrupo de Absinthiis fiat Massa, cujus Aloës æquabit circiter  $\frac{4}{16}$ ,  
Dividenda in pilulas, quarum sit singula granorum quatuor.

4. PILULÆ DE ALOE ET CAMBOGIA, DICTÆ *HYDRAGOGÆ BONTII*.

**R̄.** Aloës Soccotrinæ,  
Succi dicti Gummi Guttæ, *de Guttiferâ verâ*,  
Gummi-Resinæ Ammoniâci,  
In pulverem redactorum..... *ââ partes æquales.*

Aceto Vini acerrimo dissolvantur; colentur, et quod residuum erit, fortiter exprimatur. Dein liquor vaporet balneo maris ad Extracti penè solidi spissitudinem, ut fiat Massa apta Pilulis informandis, quarum singula pendat grana quatuor.

5. PILULÆ DE ALOE ET FETIDIS, DICTÆ BENEDICTÆ FULLERI.

<b>R̄.</b> Aloës Soccotrinæ unciam unam, vel.....	32
Sennæ ( <i>Cassia Senna</i> ) unciam semis, vel.....	16
Asæ fetidæ drachmas duas, vel.....	8
Galbani drachmas duas, vel.....	8
Myrrhæ drachmas quatuor, vel.....	16
Croci ( <i>Crocus sativus</i> ) drachmam unam, vel..	4
Macis ( <i>Myristica aromatica</i> ) drachmam unam, vel.....	4
Sulfatis Ferri unciam unam et semis, vel.....	48
Singula seorsim in pulverem trita misceantur, addanturque	
Olei succini guttæ octo circiter grana sex, vel..	0,5
Et Syrupi de Artemisiâ quantum satis, scilicet circiter unciæ sex, vel.....	192
Misce intimè ut fiat Massa apta Pilulis, supe- rans uncias decem, vel.....	528
In qua ratio purgantium ad summam erit circi- ter ut 1 ad 7.	

6. PILULÆ EX ALOE ET SAPONE.

<b>R̄.</b> Aloës purissimæ in pulverem tritæ unciam se- mis, vel.....	16
--	----



Saponis Amygdalini drachmas sex, vel . . . . .	24
Olei volatilis de Aniso guttas octo, circiter grana sex, vel . . . . .	0, 5
Misce accuratè et cum sufficiente quantitate Syrupi de Rhamno, fiat Massa, ad formandas Pilulas. In quibus Aloës ratio erit circiter $\frac{1}{2}$ .	

7. PILULÆ DE HYDRARGYRO, SCAMMONIO ET ALOE,  
VULGÒ MERCURIALES.

<b>Rj.</b> Hydrargyri purissimi unciam unam, vel . . .	32
Teratur assiduè, donec splendor metallicus omnis sit extinctus, cum	
Mellis optimi unciis duodecim, vel . . . . .	584
Terendoque demùm admisce	
Aloës Soccotrinæ uncias duas, vel . . . . .	64
Scammonii Alepensis uncias duas, vel . . . . .	64
Macis ( <i>Myristica aromatica</i> ) drachmas duas, vel . . . . .	8
Cinnamomi ( <i>Laurus Cinnamomum</i> ) drachmas duas, vel . . . . .	8
Summa omnium . . . . .	560
Fiat Massa dividenda in Pilulas in pulvere Glycyrrhizæ volutandas, quarum singula grana æquabit quatuor; quatuor autem pilulæ tenebunt Hydrargyri paulò infrà gra- num unum; purgantium paulò ultra grana quatuor, aro- matum granum semis.	

8. PILULÆ EX OXIDO STIBII ET HYDRARGYRI SULFURETO  
NIGRO COMPOSITÆ, DICTÆ *ADVERSUS SCROPHULAS*.

<b>Rj.</b> Scammonii in pulverem triti uncias duas, vel . . . . .	64
--	----

Sulfureti Hydrargyri nigri (vulgò <i>Æthiops mineralis</i> ) uncias duas, vel.....	64
Oxidi Stibii albi (vulgò <i>Antimonium diaphoreticum</i> ) drachmas tres, vel.....	12
Oniscorum seu Millepedum ( <i>Oniscus Asellus</i> ) præparatorum drachmas tres, vel.....	12
Saponis Amygdalini drachmas tres, vel.....	12
Extracti Glycyrrhizæ, vel Syrupi è quinque Radicibus quantum satis, aut circiter uncias quinque, vel.....	160
Summa omnium.....	<hr/> 524

Fiat Massa ad formandas Pilulas, quarum singula æquabit grana quatuor; decem verò tenebunt Sulfureti Hydrargyri grana circiter octo, Oxidi Stibii granum unum et semis, Scammonii grana octo.

9. PILULÆ EX HELLEBORO ET MYRRHÆ, DICTÆ TONICÆ  
GEORGII FREDERICI BACKER.

<b>Rj.</b> Extracti Hellebori nigri juxtà methodum Backer parati (v. pag. 184) unciam unam, vel..	52
Extracti Myrrhæ, ut dictum est superiùs (pag. 182) parati, unciam unam, vel.....	52
Foliorum Cardui Benedicti ( <i>Centaurea Benedicta</i> ) in pulverem tritorum drachmas tres, vel...	12
Summa omnium.....	<hr/> 76

Misce intimè, ut fiat Massa, quæ in siccissimo loco repouenda est, donec in densitatem Pilulis formandis aptam devenit; tunc demùm dividenda est in Pilulas grani unius.



## 10. PILULÆ SCILLITICÆ.

<b>Rj.</b> Pulveris Scillæ ( <i>Scilla maritima</i> ) unciam unam et semis, vel.....	48
Gummi-Resinæ Ammoniaci unciam semis, vel..	16

Misce accurate, et cum sufficiente quantitate Oximellis Scillitici fiat Massa ad formandas Pilulas.

## 11. PILULÆ DE TEREBINTHINA.

V. Præparationem Terebinthinæ, page 10.

## 12. PILULÆ BALSAMICÆ DICTÆ D. MORTON.

<b>Rj.</b> Pulveris Millepedum ( <i>Oniscus Asellus</i> ) uncias duas et drachmas duas, vel.....	72
Gummi-Resinæ Ammoniaci unciam unam et drachmam unam, vel.....	36
Acidi Benzoïci sublimati drachmas sex, vel....	24
Pulverum Croci ( <i>Crocus sativus</i> ) drachmam unam, vel..	4
Balsami Peruviani sicci drachmam unam, vel.....	4
Balsami Sulfuris Anisati quantum satis aut circiter drachmas sex, vel.....	24
Summa totius.....	164

Misce : fiat Massa diu contundenda et ad usum servanda.

Hæc in summâ Millepedes erunt ut 1 ad 2, 28; Ammoniacum ut 1 ad 4, 5; Acidum Benzoïcum et Balsamum Sulfuris singulatim ut 1 ad 7; Crocus et Balsamum Peruvianum, singulatim ut 1 ad 41.

*N. B.* Inter Olea medicata Solutiones Sulfuris Oleo paratas, *Balsama Sulfuris* dicta, non consultò omisimus, non spernendum tamen medicamenti genus; adeòque hic loci eas indicare necesse duximus.

OLEUM ANISI SULFURATUM, vulgò *BALSAMUM SULFURIS ANISATUM*.

℞. Sulfuris sublimati et loti partem unam..... 1  
 Olei volatilii de Aniso stillatitii partes quatuor... 4  
 Digerantur supra arenam ad Sulfuris dissolutionem; oleum rubescet, atque ubi refrigerit lagunculis excipietur probe obturandis.

Simili modo cum Oleis volatilibus Terebinthinae, Succini, etc., aut ipsis expressis ex Olivis Nucibusve, parari possunt Olea Sulfurata.

15. PILULÆ DE EXTRACTO OPIÏ, DICTÆ VULGÒ *DE CYNOGLOSSO*.

℞. Pulverum

de cortice radicum Cynoglossi ( <i>Cynoglossum officinale</i> ) drachmas quatuor, vel.....	16
de Seminibus Hyoscyami albi drachmas quatuor, vel.....	16
Extracti Opii Vini parati, seu Laudani Opiati drachmas quatuor, vel.....	16
Pulverum Myrrhæ drachmas sex, vel.....	24
Olibani drachmas quinque, vel.....	20
Croci ( <i>Crocus Sativus</i> ) drachmam unam et semis, vel.....	6
Castorei drachmam unam et semis, vel.....	6
Syrupi de Opio.....	quod satis.



Fiat secundum artem Massa diu contundenda et in usum servanda, cujus Summa erit circiter 144; et Extracti Opii ad summam ratio erit ut 1 ad 9.

## TROCHISCI.

Trochiscos, quos olim in usum internum parabant, hic omittendos duximus Alii enim ad id ferè tantum conficiantur, ut quædam medicamenta in pulverem facilius redigerentur; Sic parabantur Colocynthis in Trochiscis Alhandal, Caro Viperina in Viperinis, Scilla in Scilliticis, et Bolletus Laricinus in Trochiscis de Agarico; quorum ope hæc medicamenta intemerata servabantur, donec essent terenda. Sed de istis satis dictum est, ubi de parandis illis pulveribus egimus (*V.* page 17); Cæteri Trochisci, quos à Tabellis et ipsis Pilulis, nisi formâ aut siccitate, differre vix invenies, in usu jam non sunt, nec ipsi quos vocant *Hedycroón*, de quibus in Theriacâ actum satis.